

四庫全書

集部

欽定四庫全書

集部

粵西詩載卷二十三

詳校官庶吉士臣瑚圖禮

主事銜臣徐以坤覆勘

總校官庶吉士臣朱 銓

校對官庶吉士臣吳裕德

謄錄監生臣徐 彩

欽定四庫全書

粵西詩載卷二十三

桂林府通判汪森編

七言絕句

代簡廣西參政劉允中

明張以寧

五嶺宜人獨桂林
梅花雪片一冬深
遙知華省文書暇
飽看奇峰碧玉簪

中秋遊清湘書院

嚴震直

天風飄送桂香來，景入中秋懷抱開。
誰謂越南無好景，清湘彷彿小蓬萊。

遊湘山寺

一帶山巒聳碧霄，梵王宮殿壓重鰲。
我來試踏烟霞境，滿耳松聲響翠濤。

飛鸞橋遠眺

橋上飛鸞對釜山，祖師無復到人間。
演經臺上花如雪，惹得天神互往還。

棲霞洞

尋真不覺到天台洞裏桃花樹樹開
試問華君去何處
定騎鸞鶴上蓬萊

全州遣興

兩岸青山列翠屏竹篙輕擊浪花生
雖然灘險渾無懼
却愛波光徹底清

獨秀山

愛此青青獨秀峰天開一朵玉芙蓉
四山屏列俱相拱

永鎮皇家帝子宮

劉仙巖

劉仙家住碧嵒中
雲霧冥冥虎嘯風
羽化却思歸去好
更於何處覓崆峒

觀音峰洞

疊綵巖中宿霧收
巍巍遺像瞰江流
東州亦有潮音洞
小白花開滿地秋

七星嵒

棲霞真境路迢迢
洞裏乾坤悶寂寥
鶴駕不知何處去
應陪阿母宴蟠桃

築興安堤

塘陡經營築版初
皇恩旁沛海南隅
民田自此多沾溉
安享豐年樂有餘

平樂道中

篷底高眠興寂寥
昭潭岡畔水迢迢
風霜兩鬢渾如雪
只有丹心不肯銷

泊梧州

夜泊梧州江水邊
九疑山水連天南
巡帝輦今何在
萬壑松蘿鎖翠烟

蒼梧舜廟

大舜南巡竟不還
至今遺廟落空山
南薰亭上琴中意
都在蠻烟瘴雨間

過梧州懷廣西僉憲王子啓胡子祺時分按各郡

劉崧

蒼梧浦口暫停舟聞在潯州與賀州無限好山雲霧裏
為君惆悵一回頭

至容州將赴北流聞陸川道梗題綉江亭

都嶠山前望北流丹砂勾漏若為求陸川更在浮雲外
落日旌旗生遠愁

宿胡塘村

南上荒郊路欲迷數家茆屋背清溪夜深月落千峰暗
時有山禽樹上啼

粉壁道中

樹杪高崖盡插天，巖腰墜石半侵田。
火燒山木斷平路，騎馬亂行江水邊。

龍州十首

林弼

龍州入夏多風雨，山路無時一尺泥。
今日開門喜晴霽，洞雲片片度前溪。

山蕉木柰野葡萄，佛指香圓人面桃。
更有波羅甜似蜜，冰盤初薦尺餘高。

草閣柴扉傍竹開
峒官留客意徘徊
盤遮蕉葉携觥至
甕貯筠籠送酒來

峒丁峒婦皆高髻
白紵裁衫青布裙
客至柴門共深揖
一時男女竟誰分

千山萬山皆戴石
十日九日長出雲
水鼠夜啼人不見
峽猿莫嘯客偏聞

近水刺桐知驛舍
倚山毛竹即人家
趁虛野婦沽甜酒
候客溪童捧辣茶

架巖鑿壁作巢居隱約晴雲碧樹疏水視枝枝橫檻似
禾囷箇箇小亭如

白沙青石小溪清魚入疎罾艇子輕謾說南荒風景異
此時真似剡中行

林塘幽窈隔桑村風磴崎嶇接石門雨過茅茨忘赤日
雲深篁桂易黃昏

龍州溪洞極南邊雞犬桑麻自一天流水桃花今有路
何須更覓武陵仙

登月江樓

仙人樓
浦也

王偁

朝來一上月江樓江雨長涵瘴水流望斷釣槎人已遠
青山點點是邕州

潯州驛

客裏潯陽暫泊舟驛樓官樹晚烟稠多情誤作琵琶夢
驚覺蠻天瘴雨秋

左江錄似友人

左江江水日潺湲鳥語莎裳住百蠻莫道天涯應在此

交州更隔萬重山

癸丑元夕柳州見梅憶澤

藍智

忽見繁花亂客愁東風寂寞古龍州
故園穉子無消息坐對寒江月滿樓

過全州

解縉

陶生嵒畔草青青唐介墳前江水聲
兩岸鷓鴣啼不盡畫船撾鼓到全城

全城三面臨湘水撲地閭閻百姓家
溪女晚來爭渡處

滿船荷葉亂荷花

清湘書院何年起共說湘州柳仲塗想見舉比絃誦處
雲迷山鳥自相呼

國朝太守章君復種得青松夾路長夏日行人多駐馬
全州一萬樹甘棠

過清湘

自到靈川日日晴客懷清夢繞神京興安渠下斗初渴
一夜雨來新水生

湘山寺二首

湘山寺起會昌年臺殿參差碧嶂連
鬚鬢蒼然無量佛
一燈常照泐寥天

湘山五百石羅漢鬼斧雕鑿極怪奇
無事冷然鐘磬響
滿山風雨下來時

興安渠

石渠南北引湘灘分水塘深不作堤
若是秦人多二紀
錦帆直是到天涯

靈川發舟

百丈山頭雨乍晴
靈川江上水初生
薰風隔歲如相約
兩度吹船上玉京

赴廣西

多情為我謝彭郎
采石江深似渭陽
相聚六年如夢過
不如昨夜一更長

馬王閣

顯慶塔中藏舍利
塔前芳草自霏微
山僧坐倚楊梅樹

獨對朝陽補衲衣

臨桂宣聖書院

臨桂學前花草香
文宣書院舊宮牆
閒時水洗殘碑讀
猶有驪珠五色光

軒轅道士三湘隱
廣漢先生百世師
幾度亂離遺碣在
勢連星象鎮坤維

桂林大墟

大墟江上蘆田寺
百尺清潭萬竹園
柳店積薪晨爨後

獐人芰葉裏鹽歸

贈桂林蘓橋驛夏驛丞

微官自古重英賢
孔子當初為乘田
況是太平邊報少
蘓橋驛裏枕書眠

陽朔

陽朔縣中城北寺
人傳曹鄴舊時居
年深寺廢無人住
惟有石竈名讀書

陽朔江城據石頭
唐碑猶在枕寒流
素王廟貌城闌上

曉日蒼蒼照畫樓

上北流四首

竇家寨前朝雨晴
思羅港內水初生
楊梅果熟春欲暮
豈菟花開鳩亂鳴

金雞驛前津吏迎
金雞崑下江水聲
金雞飛上九天去
惟有空崑餘舊名

雙鏡驛前雙小洲
年年于此競龍舟
翻思奪錦青天上
河漢江聲共北流

三月藤江聽子規
桐花細雨濕征衣
遙知鄉里逢寒食
處處人間上塚歸

羅池廟

子厚文章邁漢唐
可憐祠宇半荒涼
羅池水涸荷應敗
惟有穹碑照夕陽

送友之田州

鳳凰臺下笑分携
南望龍河入廣西
到日想應相憶處
青山兩岸聽猿啼

送人往田州

都城二月忽逢君為道南行路入雲邊境也知民待久
莫言客裏惜離羣

思明州太子泉

思明江上澀如灰太子泉甘玉一杯見說馬跑非異事
渥洼原自產龍媒

馬跑前頭曙色開溪邊遙見白雲回汲泉搖動天邊月
天上銀河欲下來

太子泉頭數舉杯
鎮南營壘尚崔嵬
當年假道來交趾
此地曾經玉節回

龍州

龍州百尺石為城
萬戶層樓樹色青
舉網得魚沽美酒
滿船明月棹歌聲

波羅蜜樹滿城闌
銅鼓聲喧夜賽神
黃帽葛衣虛市客
青裙錦帶冶遊人

交州出到龍州路
瘴雨荒烟泣鷓鴣
始信玉關長閉好

欲將封事贊皇圖

廣源江水綠於苔
繚繞龍州學字回
惟見七源江水濁
常時風雨徹天來

廣西灘水舟中

黃福

曠海汪洋尚不波
小灘洶洶待如何
我多蒿子如龍虎
銷得船頭幾棹歌

全州舟中作

萬里西風一棹輕
那堪灘水作波聲
雖然險不如巫峽

不到天池不肯平

送陳丈叔分教融州

趙迪

別來三載一相逢
百越雲山意萬重
回雁峰寒霜月曉
客懷猶夢帝城鐘

凱歌十首

時韓雍破
斷藤峽賊

丘濬

紅日中天萬國明
戴盆魑魅尚偷生
神機睿略如天運
一怒能教嶺嶠平

三軍奮勇氣橫秋
石裂烟消水不流
一夜山靈驚失險

回頭不見九層樓

萬山矗矗石層層千仞穹崖百尺藤朝野傳聞總驚訝
將軍直是解飛騰

捷音曉日奏龍墀聖主當軒亦解頤借問古人誰得似
漢家充國宋家琦

山韓未足謂奇勛此日都輸馬服君怪得成功如反掌
元戎能武又能文

今日軍中又一韓功成只在笑談間由來名下無虛士

從此威聲振百蠻

水陸舟車處處通三軍飽食不妨農相逢盡道兵威壯
誰識蕭何轉運功

十年坐待虺成蛇骨滿空山草滿家一陣凱風吹地動
荆榛轉眼即桑麻

千載嶄崑一旦平山無瘡痍鬼無靈記功片石那能盡
兩廣蒼生口似銘

此捷今無古未聞兩階舞羽待回軍尚方舊鑄封侯印

史館新書靖遠勛

同前題八首

夏時正

十萬雄師下九天
摧鋒破敵更無前
掃清嵐霧風隨馬
射落旄頭月應弦

指麾肅肅靖轅門
至計如神不可論
大將曉猶屯細柳
偏師夜已奪崑崙

捷報時時奏羽書
庶民戰後樂耕漁
萬方和會歸王會
不復通言用象胥

貌虎桓桓十萬精風霆震蕩不流行一時掃盡千山瘴
更借甘霖為洗兵

樓船笳鼓送回軍壯氣驕騰拂曉雲便擬麒麟寫生面
更從彛鼎勒奇勛

羽扇綸巾有雅容輕裘緩帶也雍雍等閒了却平蠻事
拾取通侯萬戶封

龍飛淮甸馭羣雄開國元勲盡上公唯有西平好孫子
擊鵝破蔡取奇功

剪滅妖氛若燎毛謀深不用虎龍韜封侯取印君家物
請看先公舊戰袍

烏江

山東平川小路斜不成村落兩三家分明畫出桃源景
只欠流溪泛落霞

次凱歌韻十首

天遣賢才翊聖明二三豪傑應期生要令夸夏歸熙皞
嶺海區區不足平

殺氣淒然凜若秋積尸和血蔽江流賊中情偽常先得
不待籌邊百尺樓

丹崖萬仞石稜層到處夸巢復斷藤露布未曾呈草稿
捷音都下已喧騰

中丞銜命出龍墀五筦呻吟漸解頤報到蠻酋相戒飭
六軍都統是韓琦

大將推誠集大勛盜符耻效信陵君共誇今日平蠻策
不數相如喻蜀文

斷藤峽似隔三韓
猺獠櫓巢縹緲間
一旦天兵焚蕩盡
固應不戰訾諸蠻

水陸間關轉運通
多方區畫不妨農
試將漢史從頭讀
只有蕭何第一功

山無豺虎道無蛇
猛獠相參百姓家
昔日高原皆灌莽
如今多半藝桑麻

大藤已斷峽山平
遠仗天威荷寵靈
不用鉦歌歌盛美
紀功自有太常銘

聖主臨軒捷上聞，便輸內帑勞三軍。
命圭相印金書券，先冊平蠻第一勛。

次凱歌韻十首

夏 埏

星斗光寒劍戟明，猩鼯無地可逃生。
峽山自昔如天險，周道從今似砥平。

蔽野旌旗鼓角秋，將軍元是伏波流。
自緣威令風霜肅，消盡蛟涎與蜃樓。

直上危峰幾百層，長刀斫斷萬年藤。
一時氣歛掀天地，

雲淨烟消川沸騰

幾多俘馘獻丹墀中外宣傳笑脫頤只恐史官書不盡
神功又刻向貞琦

不是貪他蓋世勛一心只欲報明君牙旗兩月臨遐嶠
便是平蠻露布文

籠霄卷霧古稱韓況與安陽伯仲間共待為霖遍天下
軍功豈獨震南蠻

險險平兮塞塞通足兵足食無三農木牛流馬都休說

記取當年轉運功

將軍袖裏有青蛇一躍能全百萬家不是封侯酬不得
金書錢券照黃麻

百怪千幽一削平西風長夜泣山靈歌謠萬口稱功德
不數燕然舊勒名

一曲銑歌遠近聞翩翩旌旆擁回軍也知黃閣論功處
都讓征蠻策上勛

次凱歌韻十首

馮定

聖主臨朝日月明
遠除邊患念蒼生
三軍奮勇驅狐兔
兩廣于今樂太平

肘懸金印氣橫秋
大將名居第一流
千里瘴烟都掃盡
傍山無復起層樓

山勢崔嵬幾百層
藤藏妖怪樹遮藤
一朝藤斷民安業
瘴氣全消瑞氣騰

官軍振旅覲龍墀
掛却雕弓暫捧頤
共說古今賢將相
誰知充國與韓琦

金刀白羽策功勳下為生靈上報君威武遠追唐李靖
聲華不減宋希文

明朝將相宋朝韓文武威名伯仲間誰謂當時服西夏
難如今日定南蠻

寇平三廣路相通復業居人盡務農月滿柳營笳鼓歇
羽林歌酒夜論功

將軍神劍本青蛇滅盡兇渠百萬家昨日九天沾寵渥
鳳銜丹詔出黃麻

兩廣氛埃久未平一朝雷雨動山靈擒蠻若問功多少
請看懸崖石上銘

半載功成世罕聞英雄真邁古將軍雲邊玉勒初回騎
天上靈臺早策勛

次凱歌韻十首

王祐

上將金戈耀日明掃除炎瘴慰蒼生獻俘北闕旋師放
按堵南人歌太平

奏凱班師得勝秋鳴笳橫槊泝中流賦成未獻明光殿

飛夢先朝五鳳樓

亂峰蠻寨起稜層
蟠地參天有怪藤
欲斷百圍誰上得
將軍龍馬解飛騰

星郵飛捷奏彤墀
歡動天顏笑滿頤
標柱不須誇馬援
安邊今復見韓琦

百戰誰當第一勛
衆中不伐獨推君
堂堂膽氣偏能武
落落才華更膽文

共說軍中有一韓
坐驅西賊指揮間
功成未許留南越

聖慮應勞定百蠻

陰崖窮谷路齊通到處蠻徭盡務農不是司徒善安輯
誰成良將靖邊功

旗翻初日動龍蛇歸騎翩翩指帝家不獨秋霜剪荆棘
還施春雨長桑麻

藤峽灰山一鼓平遠夸無不畏威靈後人欲問當時事
試看穹崖石上銘

談笑行師昔未聞秋毫無犯肅回軍雲臺擬續丹青筆

嶺海爭誇不世勛

次凱歌韻集古十首

鍾 麓

刀弓千騎鏖衣明

韋蟾

戰士軍前拚死生

高達夫

海宇

自今無戰伐

鄧伯言

熙熙春物見昇平

曹元龍

袖中劍氣尚橫秋

周權

文武全才第一流

杜鰲

天子聖

神思舊德

唐介

上方擬築望英樓

劉改之

七里清灘映石層

胡曾

一朝纏遶困長藤

韓昌黎

能揮

寶劍除妖魅

鄧伯言

星斗光芒萬丈騰

貝瓊

遙看朱紱拜丹墀

虞集

解得諸公一解頤

鄧伯言

麾下

賴君才並入

杜甫

漢家充國宋家琦

丘翰林

經綸真足致華勛

熊直

萬歲千秋奉聖君

王維

九域輿

圖今混一

楊載

五雲日下護龍文

虞集

廟廊題字可無韓

林和靖

旌旆逶迤碣石間

高遠夫

兩

地山川分節制

武元衡

數行烟樹接荆蠻

崔珣

銅柱烟消百粵通

揭軌

肯銷金甲事春濃

杜甫

皇綱整

肅奸邪遠

許穆

今代麒麟第一功

上官伯圭

粗豪袖裏有青蛇九域于今總一家

張翥

北狄西戎談

笑了

蘓軾

五雲深處聽宣麻

林元凱

更願年豐樂太平

朱子

選賢按察救生靈

謝疊山

淺薄

將何稱獻納

皇甫冉

風謠紀德重鐫銘

釋來復

羽檄交馳日夕聞

王摩詰

鳴笳疊鼓擁回軍

岑參歸朝

奏對龍顏喜

張徽

玉檢丹書策上勲

危山懼

送陳東之之廣右

張琦

高燈夜語正堪聞白髮青山又送君
嶺樹不能遮望眼

直隨飛雁入南雲

聞左時翊陞廣西布政因畫碧梧秋月圖以寄

張寧

碧梧原頭秋水清
碧梧原上月華明
故人風度全相似
蕭索西湖別夜情

灌陽通真巖

龍澄

靈巖幽邃自天開
翠壁丹崖玉作臺
秋月照人清似水
更於何處問蓬萊

師入桂林屢捷志喜

成化元年九月

韓雍

旌旗纔指桂林途五發偏師五獻俘從此皇威清嶺海
不勞民吏望來蘓

遊風洞

成化四年春南寇既平予自蒼梧移師駐桂林二月
十有三日鎮守太監王公置酒邀予偕總戎都督歐
公遊風洞酒既闌題此刻石以傳

萬里天風過此中百蠻烟瘴掃除空華陽白鹿徒多景

爭及光明一竅功

灘江舟中撥悶

桂林至蒼梧江也

六月灘江上桂林炎風暑雨思難禁也知衰體宜調養
可奈君恩責望深

砰湃湍流幾百灣冥濛雲樹萬重山樓船獨坐羽書靜
謾檢戎韜消日間

八月六日發蒼梧至桂林大霧蔽江

喧天鼓吹引麾幢黑霧濛濛蔽大江自信真誠能辟瘴

家僮不用閉船窓

人說瘴鄉投竄地我遊七載幸無虞此心不負朝廷託
應有神明護賤軀

桂江鯽魚甚巨且美食之有作

桂江霜鯽長如許絕似松江一尺鱸鯽美終非故鄉物
臨風長嘯憶三吳

桂江舟行見各山畬田廣開蠻方殘孽持兵供役
夾道拜迎視往年處處益多喜而有作

蠻方流劫幾經年飽食何嘗肯力田今日自知勤穡事
畝田處處滿山巔

夾江山獠數年前日夜藏踪截過船今仗皇威已心服
持兵供役滿江邊

柳州二月

王越

飄泊南荒易慘悽滿庭芳草綠烟迷杜宇不知人思苦
數聲時向耳邊啼

聞陶憲長在梧州更帷箔以詩戲之

劉大夏

平生最怕說參商今日懷人在異鄉
五夜夢回情切處
梧州更短廣州長

題平樂梁大尹都亭別意卷

李承箕

蒼梧抵平樂數百里高山大林峒
搖出沒長鉤毒矢
殺人如麻龍門適當三州之中多填
華人有罪者於
此而鎮之文武才官其庶矣乎卷中
諸作俱不及此
跋以詩

平樂遠接蒼梧烟峒獠白晝爭戈鋌中間公有龍門計
直道未能辭獨賢

遊洞賓祠

桑悅

遠從東海到蒼梧我道回仙是故吾手弄圓圈堪一笑
蚊蠅瞋上洞庭湖

寓水井寺遣興三首

郡南數里有蘓山坡老當年暫還此地山名宜屬我
漫亭曾寄一春閒

水井上建漫泉亭四山如畫無名蒼梧守張侯克修謂予曰先生作此詩

非王介甫爭墩之意耶予應之曰介甫爭謝公之墩予不爭長公之山特與造化比例耳聞者大笑

百花開到野薔薇嶺外春光未盡歸一陣斜風牆角起
蜻蜓吹得著天飛

鬱蒸如火雨來遲擾擾蚊蠅得意時亭上遊絲千百尺
悠揚不會網蟲兒

柳州大水

十日十夜雨不休龍城水欲女牆流東市撐船過西市
不知撞破幾烟樓

沉香崖

石壁高懸海外香滿盂江水貢穹蒼欲分一瓣參虞舜
銜下應須紫鳳凰

觀湘灘分流寄竹窓民竒民育民秀諸堂兄弟

海陽一水化湘灘南北分流各有期同派可憐成隔絕
三溟即有會同時

謁劉賢良廟

制策通篇忤貴臣危言出口已忘身當時得意真螢爝

星斗名懸下第人

玉融郊行二首

亂山蒼翠野人家
小雨絲絲潤杏花
誰似東君最公道
遠分春色到天涯

青山兩岸夾通津
流水桃花玉洞春
知是邊城難久住
天將佳景故留人

予將去柳軍民士夫之家不忍別乃刊予像以留
以為異日可配享柳子厚廟予又重柳人知予

二人也前桃源令計君從善且以詩見贈為和其

韻

衆軍以木刻吾真千百分明是化身他日羅池還祀我
休言禍福解驚人

懷遠道中

蓬蒿沒馬路通身在野真為草莽臣莫道先生無武備
前驅負弩盡蠻人

按行懷遠峒民村出小男女歌舞相迎男謂之羅

漢女謂之女仔

牽裳跳躍舞婆娑
羅漢吹笙女仔歌
猶勝李陵聞北樂
身淪異域感傷多

復謁劉賢良祠

鴉蟻相忘子奪時
却將枝土覆君屍

世傳黃謫柳州司
戶因醉墜馬而死

家人視之鴉銜枝蟻
運土已覆其半矣

天公薄相真堪笑
志士偏令異物

知

蒼梧寄陳庸時館潯州

陳獻章

山形西上水東流獨泛長江十日舟無翼可隨飛鳥去
相思時復到潯州

謝東山惠廣西酒

月下花前舞影歌桂江酒美獨斟時眼前莫道都忘却
也向東山有報詩

贈宗凡汝學使廣西還

駟馬行行西復東一鞭騰破雪千重寒梅初放一枝白
間破江南無數紅

入清江遇雨

黃鑄

千章喬木拂雲齊一徑松陰路欲迷
泥滑草深行不得滿山風雨鷓鴣啼

送黃司訓

邵寶

春江綠淨帶晴烟曉發蒼梧萬里船
酒盡長亭賓客散有人極目楚南天

象鼻山

孔鑄

象鼻分明飲玉河西風一吸水應多
青山自是多奇骨

白日相看不厭多

劉仙巖

古峒門深百尺寬
石竒題詠暗苔斑
細尋仙子燒仙處
池滿流泉浸月寒

關雞山

巧石如雞欲鬪時
昂冠相距水東西
紅羅纏頸何曾見
老殺青山不敢啼

桂林諸葛亭

寶積山巔諸葛亭澄清百粵仗威靈登臨一笑天風至
吹散狼烟萬里清

湘山寺

何經

湘山古渡橫西州東風艤棹相追遊長松幾箇伴嵩老
綠水一泓凝澗流

寄唐大紳

有序

蔣冕

予初遊郡庠時與陳君君錫唐君大紳數往來君錫
家近栢觀大紳世居豆灘而寓舍在郡城東門內咫尺

尺予家故予三人暇日得以從容晤語於其間後君
錫登宏治庚戌進士第未仕而卒大紳以貢士官柳
州之來賓縣學訓導數歲致其事而歸獨予竊祿逾
涯乞休未遂今扈從南來留滯舊都偶與鄉人談及
大紳聞其仕雖不得意而知時識變勇於求退精力
強健放情山水間心甚適也因漫筆書小詩三章寄
之予且北上當懇懇祈恩萬一得賜骸骨歸湘中與
大紳輩指某丘某水以尋舊遊之處蓋將有日君錫

有弟曰君重今亦以汀州通守家居大紳其以予言告之君重亦未必不以為然也

湘水門東栢觀中
髫年來往幾人同
眼前久已無陳子

謂君錫進士也

我與君今亦老翁

建水南邊是豆灘
君家占斷好峰巒
十年不遇雙魚便
一字無因得問安

我寓金陵偶憶君
打窓風雨不堪聞
清時未遂投簪願
回首湘南是白雲

將北上留題湘臯別業

幾年杖屨草萊間不謂匆匆別故山
湘北湘南春草遍鷓鴣啼處雨斑斑

登湘山寺古塔漫題

輕烟漠漠草茸茸峭壁懸崖一逕通
日暮東風春雨細奇花猶發舊年叢

題湘山僧舍壁

柴扉無事晝長扃老衲焚香獨誦經
入定泐旬纔出定

不知芳草滿前庭

送唐楷還灌陽

釋之黃霸漢名賢功業千秋照簡編誰信當時初入仕

也將金穀去輸邊

楷以輸粟入太學

蒸衡江上憶聯舟多少風濤入壯遊直到新河始分手

幾宵清話浣離憂

三四年前楷與予聯舟北上

羨子南歸濯水陽歸時為我問清湘江蘼花竹知無恙

應待懸車理釣航

東渡湘江半日程有村昭義最知名君家占斷村中勝

山似屏風水似城

昭義在灌水西湘水東唐氏世居於此

夢中絕句

王守仁

此予十五歲時夢中所作今拜伏波祠宛如夢中茲行殆有不偶然者因識其事於此

捲甲歸來馬伏波早年兵法鬚毛皤雲埋銅柱雷轟折
六字題詩尚不磨

分水嶺

魯鐸

一道原泉却兩支
右為湘水左為灘
誰知萬里分流去
到海還應有會時

陽朔道中志喜三首

府江憂賊復驚灘
十日真成行路難
一笑開篷望陽朔
緣江況得好山看

夾岸青山映碧灘
灘清山好畫應難
斜陽盤礴掀篷坐
目眩神驚不盡看

輟飯支頤看翠微
人間應見此山稀
無從學得王維手

畫取千峰萬壑歸

白沙灘壁嶂奇絕殆不可畫次九龍韻

丹崖翠嶂映清流天趣無窮到客舟他日畫圖逢馬夏
也應無足注雙眸

蓬萊灘

蓬萊何處此名灘小島中流激怒湍若道仙舟通弱水
從今脫跡未應難

賭命灘

迢迢行路不辭難
萬里還過賭命灘
不為簡書催使節
肯將身向此中拚

橫州

來迎官吏說橫州
遙立蒼崖石上頭
也欲乘高閒縱目
黃昏風雨暗江樓

烏蠻灘

溯風衝雨下烏蠻
千里江行說此灘
自信灘神能識我
水工舟子合相安

左江

舟行百里幾重灘
几案欹傾坐不安
謾掩篷窓終日卧
好山無數未成看

入南交關

寒雨黃昏漸有聲
停驂坡壘欲三更
使臣分得天瓢水
一洗南交瘴癘清

送顧使君華玉赴全州

嚴嵩

吳客孤帆楚水涯
碧雲千里度長沙
湘山獨夜看明月

莫聽猿聲易憶家

湘山寺

湘山臺殿翠微連
石塔棲身坐儼然
祇樹天移兜率境
金鐙焰續會昌年

雲嵐坐湧嵒扉暝
薜荔行遮塔逕斜
兩日炎荒病如洗
湘山寺裏見梅花

過盤石太守華玉賦詩處

盤石江上雨瀟瀟
行客雙旌匹馬遙
醉起題詩臨峭壁

令人却憶顧東橋

興安縣

興安城郭枕高丘湘灘水分南北流萬里橋頭風雪暮

不知何地望神州

城西有萬里橋昔人以京師至此萬里因名

破屋古松喧夕籟遠峰寒霧起層陰梅花兩岸湘灘水
歲晚相隨到桂林

次韻興安縣

黃珪

路傍花向馬頭放亭外柳垂池上陰愁絕寒崖人不到

可憐啼鳥度前林

華山

顧璘

衆壑行雲遞有無
灌江清影照人孤
題詩寄向王摩詰
乞寫華山對面圖

湘南二月大雪戲作春雪歌

桂嶺長年冬鬱蒸
湘江今歲積春冰
北人飲酒歌黃竹
愁殺桃花與葛藤

二月雪花飛楚關
渾如李白對燕山
祇愁曉日融城濕

詎惜飛花冒鬢班

山郭桃花且未紅
撲簷柳絮太匆匆
山公久醉渾顛倒
不記湘南二月中

四野荒雲接地齊
雪花如掌下寒溪
招邀白鷺翩翩舞
孤負黃鸝恰恰啼

繞郭千峰玉作臺
連林素纈盡粧梅
同誰跨馬腰弓箭
山口盤旋射鹿來

南方食麥勝食土
瓦礫不救饑腸苦
今年春雪如隴西

蒸餺家家作端午

覆釜山

城中遙望碧氤氲擬作浮空一片雲
來上峰頭看氣象
分明平對玉宸君

天低石角雲長擁風掠巖腰樹半摧
秋氣忽寒高隼避
午陰時合老龍回

紫蓋浮空萬嶺低秋風扶策上丹梯
金仙莫厭紅塵客
只借烟霞一夜棲

送鮪孟侍御孟有歌罷無魚之句因嘲之

廣文今在桂林居徒壁曾無儋石儲我擬封筒遙送鮪
君母彈鋏更歌魚

廣西有作

丁養浩

東風交廣此行巡琴鶴歸來不是貧珍重一囊清譽在
憑誰為我獻穹宸

潯州

向錦

西山日落蠻烟起南浦波生越客歸百雉荒城倚孤棹

一鉤涼月對秋衣

湘山寺

鄧廷瓚

湘山古寺未曾遊
創建應如幾百秋
寄語山中無量佛
全州風景即郴州

書陽朔分司壁

王臣

烟嵐冉冉濕人衣
但見穿林翠羽飛
我看青山只如此
山靈應嘆久忘歸

宿湘山寺戲呈顧刺史

孟洋

湘寺風光秋更幽
湘州刺史復同遊
鳴鐘落日醉歸去
獨客松房清夜愁

寄李平樂覓蓮酒二首

常聞平樂蓮花白
絕勝雲安麴米春
萬里索居愁逐客
一尊遙慰賴鄉人

纔道蓮花即美名
風光仍喜聖人清
他鄉欲醉無沽直
安得千壺一日傾

平南曲六首贈中丞秦公

黃昏烽火動邊疆
一夜徭兒滿桂陽
勁弩長標當虎穴
垂髫赤腳統羊腸

中丞仗鉞出湘關
虎將熊師指顧間
籌策早從帷幄定
旌旗不待羽書還

江夜虹霓拂劒鋒
蠻天霜雪淨軍容
蛟螭遠走三湘去
瘴癘全消五蓋峰

伐鼓鳴金唱凱歌
夸方從此息干戈
且看銅柱高千尺
不是當年馬伏波

金殿傳呼賜錦袍
漢庭今喜得蕭曹
即知生象開麟閣
已見恩波浴鳳毛

江草霏霏江水流
青萍不用買黃牛
枕榔樹下聞樵語
天子今無南顧憂

唐仁夫出使廣西四首

邊貢

碧衣黃簡照青春
寵宴傳呼出尚珍
辭罷閣門東上馬
道傍羅列拜番臣

樓船風景入春多
銃吹聲中故里過
兩岸綠楊陰不斷

隔江知是柳州河

手捧鸞書下九天恩光初到墓門前山川不改孤兒恨
風木蕭蕭似往年

十年知己一綈袍萬里南雲望雨勞待得明年好春日
牡丹花裏候旌旄

安南歌送沈使君

徐禎卿

烏蠻灘上烟水聲伏波廟前秋月明夜半津人挽舟上
蠻歌偏動望鄉情

昭州歌二首

蔣山卿

帝子南巡竟不還
湘妃遺恨竹留斑
日暮蒼梧白雲遠
不知何處是虞山

西行幾日斷人烟
明月千山響杜鵑
試上越王臺上望
瀟湘秋色滿南天

粵西詩載卷二十三